

ris. quod sex hafnas. attinentes mense canonicorum lundensium. liberas dimisimus ab omni grauamine expedicionis. Et vt hec nostra emunicio firma sit et stabilis. eam sigilli nostri munimine duximus roborandam Mandantes. ne quis prefatos canonicos super hac donacione. molestare presumat. sicut nostram offensam uoluerit evitare Datum huæthen Anno jncarnacionis domini M° CC° XXXII quarto Nonas juniij.

267.

1232 d. 20 Oct.

Anagni.

Påfv. GREGORIUS IX:s Bref till kyrkoherden WILHELM vid St Marie kyrka i Nousis att få behålla den af Biskopen från Maska skänkta jord, som kallas Lunda.

B. 5: 102.

GREGORIUS episcopus seruus seruorum dei Dilecto filio w. presbitero rectori ecclesie sancte marie de nousia finnensis Dyocesis Salutem & apostolicam benedicionem Cum a nobis petitur quod iustum est & honestum tam vigor equitatis quam ordo exigit rationis vt id per sollicitudinem officii nostri ad debitum perducatur effectum Eapropter dilecte in domino fili tuis iustis postulacionibus grato concurrentes assensu terram de maska que dicitur lunda quam venerabilis frater noster N. episcopus finnensis capituli sui accedente consensu ecclesie tue pia & prouida liberalitate concessit prout in litteris exinde confectis dicitur plenius contineri sicut eam iuste possides & quiete tibi & per te ipsi ecclesie auctoritate apostolica confirmauimus & presentis scripti patrocinio comunimus Nulli ergo &c. *Se slutmeningen N:o 202.* Datum anagnie XIII Kal. nouembris pontificatus nostri anno sexto.

268.

1232 d. 2 Nov.

Anagni.

Påfv. GREGORIUS IX:s Bref till några Prostar i Upsala Stift med uppdrag att tillhålla Helsingarne, vid påföljd af andelig näpst, att icke allenast hädanefter utgöra den Påfvestolen tillkommande tionde, utan ock godtgöra Ärke-Biskopen i Upsala hvad han i detta afseende för dem utlagt.

A. 1. a. 12.

GREGORIUS episcopus seruus seruorum dej. Dilectis filiis . . Arusiensi . . Sictuniensi & . . de Aliati Prepositis Vpsalensis diocesis. Salutem & apostolicam benedictionem. Venerabilij fratre nostro . . Vpsalensi Archiepiscopo accepimus intimante. quod cum Incole de Helsingelan sue diocesis decimas nobis debitas soluere denegarent. idem Episcopus ne nobis aliquid subtraheretur in suppletione decimarum ipsarum, ad nos transmisit quandam pecunie quantitatem. de qua ipsi sibi satisfacere contradicunt. Ideoque discretioni uestre

per apostolica scripta mandamus. quatinus si est ita. dictos Incolas ut deinceps integre decimas ipsas exoluant, et de subtractis debitam satisfactionem impendant Archiepiscopo memorato. monitione premissa per censuram ecclesiasticam appellatione postposita compellatis. Quod si non omnes hijs exequendis potueritis interesse. duo uestrum ea nichilominus exequantur. Dat. Anagnie. IIII. Non. Nouembris Pontificatus nostri Anno Sexto.

Blybullan hänger i segelgarnssnöre.

269.

1232 d. 2 Nov.

Anagni.

Påfv. GREGORIUS IX:s Tillståndsbref för Biskopen i Linköping, att till Kaniker och andre högre andlige förordna personer, som dertill hafva erforderliga egenskaper.

B. 3: 22.

GREGORIUS episcopus seruus seruorum dei uenerabili fratri. Episcopo lincopensi salutem & apostolicam benedictionem. Cum sicut petitionis tue nobis series declarauit ecclesia lincopensis a tempore cuius non extat memoria nullos canonicos habuisset. nobis humiliter supplicasti vt in ea creandi canonicos & eciam alias dignitates & cum ad hoc sufficientes habeat facultates licenciam tibi concedere dignaremur Nos igitur prosequentes tuum pium propositum in hac parte tibi de quo in domino plenam optinemus fiduciam licenciam concedimus auctoritate presencium postulatam. Datum anagnie IIII:to Non. Nouembris Pontificatus nostri Anno Sexto.

270.

1232 d. 2 Nov.

Anagni.

Påfv. GREGORIUS IX:s befallning till Biskopen i Linköping att förmå invånarne i Stiftet erlægga tionde.

B. 3: 23.

GREGORIUS episcopus seruus seruorum dei venerabili fratri . . Episcopo lincopensi Salutem & apostolicam benedictionem. Ad audienciam nostram te referente peruenit quod homines in tua dyocesi constituti minime attendentes quod vniuersorum dominus in signum vniuersalis dominij sibi decimas reseruauit eas ecclesiis quibus debentur denegant soluere pro sue libito voluntatis. Cum igitur predictas decimas retinere non possint absque suarum periculo animarum. ad quas soluendas ecclesiarum ministris tenetur fidelis quilibet veritate iubente predictos homines rogandos duximus & monendos dantes eis nostris litteris in mandatis ut decimas ecclesiis quibus debentur jtegre sine difficultate persoluant. Jdeoque fraternitati tue per